

SCRIPT OF EVENING GOJRI NEWS BULLETIN 7MAR 2025

1700HRS

اوننگ گوجری نیوز بولینٹن 7 مارچ 2025

یوہ آکاشوانی جموں بے محمد مبارک ماہر تے نصرت تیں خبر سُنو۔

HEADLINES

۱۔ وزیر اعلیٰ عمر عبداللہ نے ۱ لکھ ۲۱ ہزار کروڑ روپیاں غی مالیت غو بجٹ پیش کیو بے جس مانہہ جامع ترقی ور توجو دتی گئی۔

۲۔ ۵۲۰۲۰۲ غا بجٹ مانہہ انتودیا انا یوجنا خانداناں خواتین تے تعلیم غا شعبہ واسطے بڑا فلاحی اعلان کیا گیا ہیں۔

۳۔ لیفٹیننٹ گورنر منوج سنہا نے توئی فیسٹیول غو افتتاح کرتا واں کہیو جے ہم نانہہ ٹیکنالوجی تے فن بشکار صیح توازن رکھن غی لوڑ بے۔

۴۔ وزیر صحت سکینہ اتو نے کہیو بے جے جموں کشمیر مانہہ کینسر غا علاج تے صحت غا بنیادی ڈھانچہ نانہہ بابدو دتو جارہیو بے۔

۵۔ وزیر زراعت جاوید ڈار غوکہنو بے کہ کشتواڑ مانہہ زعفران غا قومی مشن غے تحت ۵۰ ہیکٹر زعفران غی کھیتی خاطر زمین نانہہ تیار کیو گیو بے۔

CM BUDGET

وزیر اعلیٰ عمر عبداللہ نے اج جموں کشمیر مانہہ صفر خسارہ آلو بجٹ پیش کیو جس مانہہ سال ۲ ہزار ۵۲۰۲۰۲ تے چھپی واسطے ۱ لکھ ۲۱ ہزار کروڑ روپیاں غا خرچاں غو اعلان کیو گیو تے نال ہی مرکز غے زیر انتظام علاقہ گا برااں شعباں کی بھلائی بہتری تے ترقی ور زور دتو وزیر اعلیٰ عمر عبداللہ جہیڑا جموں کشمیر یو تی غا مالی وزیر وی این نے اپنو پہلو بجٹ قانون ساز اسمبلی مانہہ پیش کیو تاڑیاں غی گنج بشکار عمر عبداللہ نے اپنی تقریر غو آغاز فارسی شعر سنگ کیو تے کہیو جے ہوں آج بطور وزیر خزانہ اپنو پہلو بجٹ پیش کرن غا سلسلہ مانہہ تہارے باندے کھلو ہاں جہڑو کے ست براں مانہہ ایک اجرماعی سرکار غو پہلو بجٹ بے اُن نے کہیو جے یوہ ایک نواں تے خوشحال جموں کشمیر واسطے ایک رستو بے جہیڑو ہمارا لوکاں غی امیدیں غی عکاسی کرے تے نال ہی اقتصادی سماجی تے پائیدار ترقی غی مضبوط بنیاد رکھے۔

BUDGET WELFARE MEASURES

وزیر اعلیٰ عمر عبداللہ نے اج مرکزی زیر انتظام علاقہ جموں کشمیر غو بجٹ پیش کرتا واں مچ سارا فلاح قدماں گو اعلان کیو جس گو مقصد سماج غا کمزور طبقاں غی زندگی غا معیار نانہہ بہتر بنان غے نال نال خواتین نانہہ با اختیار بنانو تے تعلیمی شعبہ نانہہ مضبوط بنانو بے آکاشوانی جموں گا نامہ نگار نے دسیو جے جموں کشمیر سرکار نے انتیو دیا انا یوجنا غے تحت تمام کُنیاں انہہ ۰۰۲ یونٹ مفت بجلی کی منظوری دتی بے اس تین علاوہ انتودیا انا یوجنا غا مستفید ان نانہہ ہر مہینے ۰۱ کلو مفت راشن لے گو جس سنگ معاشی طور ور کمزار طبقاں ور مالی بوجھ کہت وے گوشادی بیاہ بارے اسکیم غے تہت اہل مستحقین واسطے مالی امداد ۰۵ ہزار روپیاں تیں بدھا غے ۵۷ ہزار کردتی بے جس سنگ پچھڑیا کانداناں نانہہ کافی مدد لے غی خواتین نانہہ سہولت دین بارے بولتا واں وزیر اعلیٰ نے

۵۲۰۲ تین کواتین سرکاری گڈیاں سمیت ای بساں ور مفت سفر کرن واسطے اہل ویں گی پین
 غا صاف پانی نانہہ یقینی بنان غا سلسلہ مانہہ سرکار اس برے جموں کشمیر مانہہ ۸۹ پانی
 غی جانچ بارے لیبا رٹری قائم کرے غی جس سنگ پانی غا معیار غی دیکھ بھال تے صحت
 عامہ غی حفاظت نانہہ بہتر بنایو جائے غو وزیر اعلیٰ نے بجٹ پیش کرتا واں کہیو جے اس
 خطہ مانہہ ایک قومی قانون یونیورسٹی تیار کی جائے غی جس واسطے بجٹ مانہہ ۰۵ کروڑ
 روپیہ مختص کیا جنیں گا۔

BUDGET PDP

پی ڈی پی نے بجٹ ۵۲۰۲ تے ۶۲ ور سخت تنقید کرتا واں سیشنل کانفرنس غی قیادت آلی
 سرکار ور اپنا انتکابی وعداں نانہہ پاراں کرن مانہہ ناکام ہون غو الزام لایو ہے آکاشوانی
 جموں غا نامہ نگار نے دسیو ہے کہ پی ڈی پی نے کہیو کہ بجٹ نے این سی غا انتخابی
 منشور تے اس غی حکمرانی بشکار بڑا فرق نانہہ ہے نقاب کیو ہے پی ڈی پی نے کہیو کہ
 این سی نے ہر گھر نانہہ ۰۰۲ یونٹ مفت بجلی غی یقین دہانی کرائی تھی پر ہُن اس نے فائدو
 صرف انتودیا انا یوجنا راشن کارڈ ہو لڈراں تک مہدود کردتو ہے پی ڈی پی نے کہیو کہ جموں
 کشمیر مانہہ ۶۱ لکھ راشن کارڈ بولڈراں وچوں صرف ۵۹ ہزار اس سکیم تیں مُستفید ویں گا۔
 جہیرا گل آبادی غ و سرف ۵ تیں ۷ فی صد حسو ہیں تے یوہ لوکاں گا یقین نانہہ نرو توکھو
 ہے پارٹی نے اعلان تیں پہلاں ۱ لکھ ۷۲ ہزار انتودیا انا یوجنا راشن کارڈ بولڈراں نانہہ
 فہرست تیں کڈیا جان ور وی تشویش غا اظہار کر تاں واں سرکار غا ارادہ ور سوالیہ نشان
 لایو۔

ITOO CANCER TREATMENT

صحت تے طبی تعلیم غی وزیر سکینہ اتو نے کہیو ہے کہ جموں کشمیر مانہہ کینسر غی
 بیماری گو پتو لان تے علاج خاطر سہت غا بنیادی ڈھانچہ نانہہ باہدو دتو جاریو ہے یاہ گل اُن
 نے قانون ساز اسمبلی مانہہ رکن ممبر ثنویر صادق غا سوال غو جواب دیتا واں کہی ان نے
 کہیو جے آبادی غ احصاب ور کینسر اندراج غے مطابق خطہ جموں مانہہ ۳۱ ہزار ۹ سو ۲۱
 تے وادی کشمیر مانہہ ۰۵ ہزار ۵ سو ۱۵ معاملہ سال دو ہزار اٹھاراں تے چوبی بشکار درج
 کیا گیا ہیں۔ وزیر موصوفہ نے کہیو کہ کینسر غی بیماری مانہہ سالانہ ۲ تیں فی صد باہدو ہو
 رہیو ہے اُن نے دسیو جے جموں کشمیر مانہہ کینسر غا مریضاں نانہہ سکیمز سرینگر تے
 جی ایم سی جموں مانہہ خصوصی علاج دتو جائے وزیر موصوفہ نے مزید کہیو جے ریاستی
 کینسر ادارہ جموں مانہہ ۳ آپریشن تھیٹر تے ۰۱ بستراں آلا آنی سی یو غو کم مکمل ہون آلو
 ہے تے مارچ ۵۲۰۲ غا آخر توڑی اس غا مکمل ہون گو امکان ہے۔

SAFFRON

وزیر زراعت جاوید احمد ڈار نے اج کہیو کہ زعفران غا قومی مشن غے تحت کشتواڑ ضلع
 مانہہ ۰۵ ایکڑ زمین نانہہ بہتر بنایو گیو ہے آکاشوانی جموں غا نامہ نگار غی رپوٹ غے
 مطابق وزیر موصوفہ نے اسمبلی مانہہ سونیل کمار شرما غا سوال گا جواب مانہہ کہیو کہ
 کساناں نانہہ مالی تے تکنیکی مدد مختلف سکیمیاں گے تحت فراہم کی گئی ہیں، اُنہاں نے
 مزید کہیو کہ زمین غی بحالی واسطے ۵ ہزار ۴ سو ۵۶ مُستفیدان نانہہ زعفران غا بیج
 واسطے مالی امداد دتی گئی تے فی مرلہ ۲۱ سو ۵۶ روپیہ غی سبسڈی دتی گئی جس غو
 مجموعی خرچ ۲ کروڑ ۲۵ لکھ ۶۸ ہزار روپیہ بنے۔ وزیر نے مزید کہی وکہ زعفران غا قومی

مشن غے تحت ۰۱ تیں زیادہ کیمپ منعقد کیا گیا جس مانہ تقریباً ۰۵۲ کساناں نانہہ ۲ روزہ غی تربیت دتی گئی۔

LG TAWI FESTIVAL

لیفٹیننٹ گورنر منوج سنہا نے کہیو کہ ہمنان ٹیکنالوجی تے فن شکار صیح توازن رکھن غی لوڑ ہے ماری تہزیب نانہہ زندہ رکھن مانہہ سائنس تے ٹیکنالوجی گی نوی ایجاداں گو کردار لاجواب ہے یاہ گل اُن نے جموں غا امر محل مانہہ ہری تارا چیری ٹیبل غے زیر اہتمام تیجا توی فیسٹیول غی افتتاحی تقریب سنگ خطاب کرتا واں کہی۔ اس تقریب نے امر محل میوزیم تے لائبریری غا ۰۵ سال مکمل ہون غی یاد مانہہ گولڈن جوبلی تقریب غو وی آگاز کیو۔ اپنا خطاب مانہہ لیفٹیننٹ گورنر نے کہیو جے سائنس تے ٹیکنالوجی نے نوی سہولت فراہم کیں ہیں تے انسانی معاشرہ غا کم کرن تے زندگی گزارن غ طریقہ نواں سرا تیں متعین کیا ہیں۔ پر نواں آلات فن تے ثقافت غی بھر پور تے متحرک روایت تیں بغیر یہ نا مکمل ہیں اُنہاں نے وزیر اعظم نریندر مودی غی رہنمائی مانہہ سرکار غا عزم نانہہ ظاہر کیو جے وکاس وی وزاٹ وی غا عزم غے نال کم کرنو ہے۔

INT'L WOMEN'S DAY

گزشتہ براں مانہہ کئی خواتین کاروباری شخصیات نے بھارتی حکومت غی مختلف سکیمیں تیں فائدو چاہو ہے ان سکیمیں تیں خواتین واسطے ایک نوو راہ کھلیو ہے جس غی بدولت خواتین کود کفیل بن غے اپنا خانداناں غی مالی مدد کر رہی ہیں یونم دیوی تے ریمادیوی جہیڑی بلاک بٹوٹ ضلع رام بن تیں ہیں اُنہاں نے اومید سکیم اپنی مدد آپ گروپ غے تھت حکومتی سکیمیں گو فائدو چاہو تے اپنی زندگی نانہہ بہتر بنایو ہے۔ عالمی یوم خواتین غا موقع ور پونم دیوی تے دیوی نے بھارتی حکومت غی مختلف سکیمیں غا بارا مانہہ اپنا تجربہ سانجہ کیا تے اُن گا فائدہ بارے دستا واں اُنہاں نے اس طرح کہیو۔

SPL PROGRAM

عالمی یوم خواتین گا موقع ور آکاشوانی جموں ریجنل نیوز یونٹ ایک خاص ۰۲ منٹ غو پروگرام پیش کر رہیو ہے یوہ پروگرام پلک ۸ مارچ نانہہ سویرے ۷ بج غے ۰۱ منٹ ور نشر کیو جے گو۔ محترمہ سپنا سانگرا جہیڑی جموں یونیورسٹی مانہہ سوشیو لوجی غی پروفیسر ہیں تے محترمہ تانیا شرما جہیڑی پشماندہ لڑکیاں نانہہ مفت انگریزی تعلیم فراہم کریں بطور مہمان موجود وین غی۔ اس مانہہ مختلف شعبیاں مانہہ خواتین غی کامیابیاں جدوجہد تے خدمات نانہہ اُجاگر کیو جے غو۔ اس پروگرام غو مقصد خواتین نانہہ باختیار بنانو برابری نانہہ فروغ دینو ہے تے معاشرہ مانہہ خواتین غی ہمت ترقی غو جشن منانو ہے تازہ ترین خبر تے معلومات تیں باخبر رین واسطے آکاشوانی نیوز جموں سنتا ریں۔ ماری نشریات میڈیم ویو ۳۰۳ میٹر ۰۹۹ کیلو ہیزڈ ایف ایم ۰۱۰۳ میگا ہیزڈ تے ڈی آر ایم ۱۸۹ کلو میزڈ ور دستیاب ہے۔
